

兵革不絕大將軍去國境云々

〔吉記〕壽永元年三月廿八日戊戌漏刻博士時職入來密語近日天變事略中

一去二月廿一日酉時太白犯歲星去一尺 太白西兌之位主西武大將軍也歲星東震之位也谷國

失地不出二年有兵天下大飢盜賊起天火下女主病五穀不收南國以兵飢王者誅將軍疾疫大將死

必有亡王略中

一今月四日戌時太白犯熒惑相去一尺三寸 天下有憂君臣不和大將軍死易位立太子闔其國弱客有利

〔玉海〕壽永三年元曆六月廿四日辛丑此日天文博士廣元持來奏案太白犯井云々文云天子浮船

失珍寶云々爲西主不快之變歟

〔吾妻鏡十五〕建久六年十月三日甲寅天文博士資元朝臣去月十七日書狀參著太白變事所副進一卷勘文也

〔吾妻鏡二十五〕承久三年五月十八日辛丑寅刻太白陵犯熒惑星二尺計

〔吾妻鏡脫漏〕元仁二年嘉祿元年三月廿一日壬午此間稱熒惑星之告於京都專此事之由六波羅被申

送云云 廿四日乙酉日來太白經天爲變異之由司天等依申之今日被行御祈民部大夫行盛爲奉

行云云 十月廿七日甲寅國道朝臣參武州御亭申云今曉太白入氏御慎之文分明歟隨而日來天

變連々出現訖御所營作事可被延引歟云云仍被行御占可有何年御沙汰哉之趣也可爲今年之由

各占申略下

〔吾妻鏡二十八〕寬喜四年貞永元年七月八日丁亥今曉寅刻太白犯東井是安德天皇沒西海給寶劔紛

失時變也天子浮船失珍寶文之由天文道申之云云

〔吾妻鏡三十二〕嘉禎四年曆仁元年閏二月十五日辛酉戌刻維範朝臣又參六波羅殿太白犯昇昴歲星

犯鬼星由申之仍爲將軍御祈被行屬星祭在衡朝臣奉仕之 五月五日己卯戌刻太白犯軒轅大星